



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

Quod Medico-Chirurgo liceat , absque artis
dedecore, bestijs etiam mederi.

O R A T I O,

Habita in Archi-Lyceo Patauino,
die 3. Nouembris, 1682.

A CAROLO PATINO.

EQV.D.MARCI,DOCT.MED. PARIS.

PRIMARIO CHIRVRGLÆ PROFESSORE.



VENETIIS, MDCLXXXII.

Typis Io: Francisci Valuasensis.
Superiorum Permissu.

26

Illustrissimo & Excellentissimo D.
D. SILVESTRO
V A L I E R,
EQVITI, D. MARCI PROCVRATORI,
Patrono suo Colendissimo,

CAROLVS PATINVS.



*Um Medicinam immortalibus Dijs sapientissimi Ve-
teres unanimi omnium consensu consecrauerint, horum
exemplo ad præstantissimam hanc artem spectans le-
uidense hoc opusculum Tibi ut singulari meo & tute-
lari Numini dedicare liceat. Non hecatombis tantum delectabatur
Optimus ille Maximusque Iuppiter, qui victimas quasvis deuote
sibi sacratas hilari fronte suscipiens, animum addidit mortali-
bus sua quantumlibet exigua viris primarijs offerendi. Hacce ob-
sequij mei tessera non ambio tanta tua in me collata beneficia ex-
primere, nisi ad illius exemplum, qui colossum ingentem in lapil-
lo sculpsit. Excelsam familie Valeriae amplitudinem hæc fo-
lia non continerent, sed dabitur fortassis occasio, illibata Pobleco-
larum, Corvinarum, & Messalarum gloria, inter Maiores tuos
quidquid & sago & toga commendabile fuit, ad posteros meo
calamo transmittere; Siluestrosque, Augustinos, & Bertuccios
celebrare. Hoc honorificum otium mihi largiatur bonorum om-
nium dator, felicemque tibi longævitatē, quā litterariam
æquē ac Serenissimam Rempublicam beas. Vale.*

E Museo nostro Patavino, prid. Non. Nouembr. MDCLXXXII.

147
*Quod Medico-Chirurgo liceat absque artis dedecore
bestijs etiam mederi.*



Vemadmodum prima debet esse artificum cogitatio aptam sibi materiam quarere, in qua artem ingeniosè exercent, sic qui artibus philosophiam adjungunt, primariam subjei debent habere rationem, quod exactè noscant, priusquam illi restituendo aut nobilitando adlaborent. Sculptor æri informi & adhuc rudi Herculis effigiem impressurus, non minimam artificij partem in eligenda sibi idonea materia collocat, quam pro lubitu tractat, sic vitur figulus luto, sic textor filo, sic materiarius ligno & lapidibus, sic fabrilibus faber. Solus ferè Medicus est, ejus auxilium vix imploratur, nisi subjei natura vulneribus morbisq; obruta sui exitium apertè portendat.

Si valeant homines, ars tua, Phæbe, jacet.

Quid parturientes docuit suos clamores? *Pereo Lucina ter opem*, Dolor, quem terminari aut imminui postulant. Quid cogit pede luxatum quemvisve vulneratum salutare Medici manus expetere, nisi & idem dolor & proximum moriendi quod incurrunt periculum? Primus in orbe Deos fecit timor, apud Ethnicos, a quo vota, aræ, delubra, Pontifices, sacrificia, victimæ, ceteraque ad Deorum cultum attinentia: at multò veriùs honorem Medici constituit ingens illa dira que morborum cohors, quæ tandem hominem, ut sagacem, acutum, memorem, rationis & consilij plenum sibi metipsi valedicere cogit, aut incautum opprimit, nulli prorsus parcente, *μοῖρα πεπραμένη*. Hanc fabulatur poetarum vetustissimus, Hesiodus, a Pandora sparsam per mare per terras, hominibus inde ubicunque febribus, senio, mortique obligatis.

Πλεῖν μὲν γὰρ γαῖα κακῶν, πλεῖν δὲ θάλασσα.

Νῆσοι δ' ἀνθρώποισιν ἔρ' ἡμέρη, ἡ δ' ἐπὶ νυκτὶ

Κυτόματοι φοιτῶσι

Hinc inuenta Deorum munere medicina, quæ breue vitæ spatium prorogaret: Medici namque *A Phæbo didicere moras innectere morti*. *Ἐκ δ' ἐνυφείβη Ἰητροὶ διδάσων ἀνάβλησιν θανάτου*, inquit Callimachus. Hinc inuenta Chirurgia nostra quæ manuum operatione continuum solueret, diuisa jungeret, & superflua demeret. Sit ergo corpus humanum stupendum illud miraculum, & *δαῦμα θαυμάτων*, utriusque subjei, quatenus à morbis & morte præseruari aliquatenus potest: Sit illud *τολμωρότατης τῆς φύσεως ἀγαλμα*, in cuius sanitate conservanda restituendaque insudent præstantissimi illi artifices, quos non tam dignitate, quàm opere Excellentissimos & *ἡμιθέους* nuncupant: Illud denique sit quod meditationes exercitationesque nostras juxta Sereniss. Reipublicæ decreta, occupet. Domina hæc nostra publico bono semper intenta, res academicas ita disposuit, ut ex tanto Professorum quos alit numero, paucissimi eadem tractarent argumenta, neque in iisdem demonstrandis conquiescerent, sed pro annorum vicissitudine, illa etiam variarent.

A 2

Ita

Ira Chirurgiæ Professoribus demandatum est, tumores primùm exponi, vulnera deinde ac vlcera, tandemque quas hoc anno discutiendas meditamur fracturas & luxationes, quibus stadium hoc chirurgicum absolueretur.

Benè quidem ac sapienter institutum est, **AVDITORES**, verùm ne tanta quàm vacationum tempore percepimus tranquillitate, ad ardua laboriosaque nimis studia de repente progrediamur, hodie pro ludendum arbitror, idque expendendum, quod plerisque dubium esse solet, num scilicet Medico-Chirurgo liceat absque artis dedecore bestiis etiam mederi, quod præsertim de fracturis & luxationibus intelligendum velim.

Nouimus equidem tantam esse hominis dignitatem vt cuncta eaque omnia valde bona, propter ipsum solum facta fuerint, quibus dominaretur. Nouimus hunc ad imaginem omnipotentis De creatum, & vt cætera propter hominem sic hominem propter Deum. Nouimus tandem ipsi cælestes inesse igniculos, seminaque diuinitatis, quem ideo sapientissimi Ægyptiorum Sacerdotes adorandum proponebant.

Sed ab his theologicè aut moraliter dictis non satis compertum est tantum valere hominem, meditationibus physicis aliud suadentibus. Infeliciter quippe experimur Naturam tanta sua munera, sæua mercede compensasse, vt non sit satis æstimare, parens ne melior ipsi fuerit, an tristior nouerea. Nudus homo solus nascitur ad vagitus statim & ploratum, nullumque tot animalium aliud ad lacrymas producit: Ita jacet manibus pedibusque deuinctis, flens animal cæteris, vt aiunt, imperaturum. A supplicijs vitam auspicatur, vnam tantum ob causam, quia natum est. Heu dementia, inquit Plinius, ab ijs initijs existimantium ad superbiam se genitos. Multi certè existere, qui non nasci optimum censerent, aut quàm citissimè aboleri.

Sed figuram habet erectam, inquiunt, quò facilius supraque cætera animantia cælum vt patriam, aut quietis æternæ locum intueretur. Aues plebasque homini cur non preponeremus? colli longitudine & flexibilitate, cælum facilius vtrunque respicientes. Quin pisces memorat Athenæus *ἰσχυροὶ* *ὀφθαλμοὶ*, oculis in capitis vertice constitutis, cælum idem, pronos & absque motu illo intueri: Præterea cælum conspiciere tanti non est. Sed manus habet, instrumenta sapientiæ: Nonne etiam Simia solertissimum animal, quæ nec incommodius apprehendit, nec infirmius retinet. Quid si pinnas haberet, pennasque quibus natare volareque posset? Quid si Elephantis molem, Cerui velocitatem, Leonis fortitudinem, Corui longævitatē, hominem certè animalium perfectissimum & verè *μικρόκοσμον* æquius prædicarent. Sapientissimum, temperatissimumque præterea contendunt, ideo animantibus omnibus præferendum. Quis hæc dixit, quæso, præter hominem, superbiæ, vanitatisque plenissimum? De vitæ securitate sollicitæ videntur bestię, de cibo & potu, & si quod vltro cogitent, ad speciei propagationem refertur: Felicem profectò ac moderatum hominem si hisce immoraretur, sed nullum vnquam a philosophia morali prolutum fuit vitium, cuius capax non sit, nulla frans, nullum facinus. Vni animantium luctus datus est, vni luxuria, vni immensa viuendi cupido, vni superstitio: Nulli vita fragilior, nulli rerum omnium libido,

de major, nulli pauor confusior, nulli rabies acrior. Bruta deinde, vt homines beneficijs alliciuntur, præceptis mouentur, minis terrentur, voluntarioque & libero vtuntur arbitrio, ex *Arist. l. 3. Ethic*: quin & diuina auctoritate interdum ipsa puniuntur, *Exod. 19. 21. & Leuit. 20.* Denique cætera animantia, in suo genere probè degunt; congregari videmus, & stare contra dissimilia; leonum feritas inter se non dimicat; serpentum morsus non petit serpentes; ne maris quidem belluæ ac pisces nisi in diuersa genera sæuiunt. At Hercule homini plura ex homine sunt mala. Hæc fortasse Democritum impulerunt hominem irridere tanquam dementissimum animal, *ἐνα γὰρ τῶν ἀνθρώπων ἀνοήτως γέμοντα*, inquit ille apud Hippocratem, *in epist.*

Vereor porro, Auditores, ne hæc conuicia videantur nimia in hominem iacta, cum aliud promississemus; Cætera itaque & quæ plura sunt, silentio inuoluantur, vt citius bestijs etiam a melioris notæ medicis opitulandum esse comprobetur, quod tum auctoritate tum ratione Vobis abundè persuasum iri confido. Ac primum Aristotelis mentionem fieri placet, cuius solius, vt præcipui Naturæ genij testimonium omni auctoritate majus esse deberet. Is, inquam, Canum, Bouum, Suum, Equorum, Asinorum, Elephantum, insectorum ac præcipuè Apum morbos eâ diligentia persecutus est, vt nihil quod ad eorum medicinam attineret, omisisse videatur. Quo certè non leuem ab Alexandro Macedone, harumce rerum indagatore cupidissimo gratiam iniuit. Alter naturæ interpretes Plinius multa quidem de homine, plura tamen de bestijs scripsit, quarum & ægrotudines & remedia incredibili labore posteris aperuit. Sapientissimi medicinæ nostræ Principes labantem Naturam, in quocunque animali subleuare conati sunt. Nobilis extat diuini Senis libellus, ab equorum medela nuncupatus *ἱππιατρικὰ* in quo veterinariam medicinam ita exactè docet, vt eandem se *πρακτικῶς* exercuisse nullum sit dubium, cum præcipuè luxatis eorum membris, fractisque ossibus, quæ ab arte produci possunt explicet, & ne ipsum prætermiserit *προγνωσικόν*. Galenus verò alterum medicinæ lumen, *ἄλλο τῆς ἱατρικῆς φῶς*, nonne sæpe gloriatur se multa nō ex libris aut sophisticis rationibus didicisse, verum ex ipsis operibus artis, tum in hominibus tum in belluis, quæ cum assiduè naturam habeant comitem, errore omni esse vacua necessum est. Nonne innumera secuerat brutorum cadauera? vt scilicet & ipsis & eorum Domino securius postea mederetur. Nonne passim in ejus operibus leguntur, quæ ad brutorum valetudinem curamque referuntur, vt etiam scalprorum diuersitatem enumeret, equis conuenientium? Et cum anales Medicos, auriculares, ocularios, dentales, atque herniarios descripserit, cur temerè aut imprudenter fecerit veterinarios muloque medicos nominare, solis sanandis bestijs incumbentes? Nisi fortè reclamant qui se indicari subolfaciunt, vt eiusdem Galeni verbis utar, non maiorem habentes dialecticæ, grammaticæ, & rhetoricæ rationem quam Asini lyra, iuxta prouerbium à Varrone commemoratum, *ὄνος λύρας*.

Quot præterea præstantes Medici de re veterinaria scripserunt, quam eandem exercuerant? Chiron ipse quem Saturni & Philyrae filium finxerunt Græci, seu Temporis & Experientiæ (vt enim *χρόνον τὴν τῆς πείρας φήλω* vtrum-

utrumque dixerunt) Chiron, inquam, nonne superiore sui parte hominem, inferiore equum referebat, indicandæ arti omnium præstantissimæ, quæ quolibet animalia sanare consueverat, in quorum gratiam a Ioue ipso immortalitate donatus est; & inter sydera relatus. Deperditos libros Iugemus Astrampsychi de asinorum curatione, atque etiam multa Absyrti capita circa equorum medelam: Sed quid non absumit, aboletque illud edax rerum, quod nec ipsis metallis aut marmoribus parcat.

Quid non longa dies, quid non consumitis anni?

Accuratius nihil est ἹΕΡΑΚΟΣΟΦΙΑ seu medicina ea quam Demetrius Constantinopolitanus in accipitrum utilitatem conscripsit, à P. Gillio è græco in latinum conuersa. Sacris illis aibus debebatur hic honos, ingenio, velocitate, atq; disciplina nobilissimis, in quorum gratiam Alb. Magnus, Belisarius Aquauius Neritiorum Dux, & ubiq; terrarum notus Præses Iac. Aug. Thuanus permulta egregiè contulerunt. ΚΥΝΟΣΟΦΙΟΝ seu canum curam latinitate donauit præstâtissimus Andr. Aurifaber medicus Vratislauenſis, idèque argumentum elegantissimis suis carminibus decorauit ampliavitq; celebris Professor Hier. Fracastorius. Cynegetica etiam scripserunt Marc. Aur. Olympius, atque Petrus Angelius Bargeus, qui & Ixenticon vel de aucupio multa etiam litteris consignauit. Publ. Vegetius Renatus artem veterinariam IV. libris complexus est, à Io. Sambuco restitutus. Eandem illustrarunt Æmilius Hispanus, Anatolius, Aphricanus, Archydemus, Didymus, Diophanes, Eumelus, Hierocles, Himerius, Litorius Beneuentanus, Mago Carthaginiensis, Messahala, Pamphilus, Pelagonius, Phæmo, Theomnestus, Xenophon, multique alij ex omni regione, omnibusq; sæculis, quos numerare labor. Verùm equestris ordinis Italos tres non prætermittam, eiusdem argumenti scriptores egregios, Paschalem Caracciolum Neapolitanum, Fiascum Ferrariensem, & Ruinum Bononiensem. Atque huic iuuandarum bestiarum consilio mirificè profuit, omnium ætatum, populorumque religio: Primis quippe temporibus pecudum possessio, si non solum, summum saltem erat diuitiarum indicium, cuius illustre testimonium frequentissimè perhibent SS. Biblia. Pagani deinde πολυθεοι nonne Deos ipsorum custodes, & restitutores finxerunt Apollinem illum Medicum, Palemque Deam, in cuius honorem Paliliorum festum Romulus fundauit.

Ipsa Pales agros, atque ipse reliquit Apollo.

Vt canit Poetarum Princeps, *eglog. 5.* Sed quod supra quodlibet momentum est Sacrosanctæ Religionis auctoritas id præstat. *Vnaquæque res visibilis in hoc mundo habet angelicam potestatem sibi præpositam*, inquit D. Augustinus, l. 83. 99. 9. 79. Ergo & bestia, quibus auxiliari mederique nullum erit dedecus. Clariùs id exponit D. Thomas, *de veritate 2.2. quæst. 108. & de lib. arbitrio, art. 2. & seqq.* Bruta enim puniuntur à Deo, vel a Deo liberantur a morbis, in quantum famulatum & utilitatem præbent hominibus, & in quantum in ipsis idcirco puniuntur homines, vel exaudiuntur.

At alterum dissertationis caput accedamus, & pecudum medelam nobili verèque philosopho indecoram non esse probemus. Nonne in brutis
ut in

vt in homine πολυμήχανος Natura facienda facit, cum tamen nihil didicerit, Ἀπαίδωτος: ἢ οὐκ εἶσα, καὶ ἐμάθησα, τὰ δέοντα ποιεῖ. Quare docet Hippocrates l. de alim. Naturam omnibus sufficere, οὐκ εἰς ἐξαρκεῖν πάντα πᾶσι. Hæc quippe nunquam cessat, inquit Galenus, l. 3. meth. facultatibus eius operi semper intentis, nunquam torpentibus, nihil negligentibus. Sanum enim animal hæc semper nutriunt, ægrotans, quatenus possunt, restituunt. Ita est, scribit Rabbi Moses, l. 6. apb. 21. neminem seruari nisi Natura morbum superaue- rit, neminem mori, nisi eadem victa sit. Nonne in brutis vt in homine, mor- bi multi a Natura sola vincuntur, αἰφύνης τῶν νόσων ἰητροίς; Quidam a Natura & Medico simul, pluribus porro exstantibus qui nec a Natura nec a Medico debellari queunt: Nonne in omnibus animalibus cuiuscunque generis, or- gana vitalia εἰσλυχον sustinent? Nonne in brutis vt in homine, determinati sunt ordinatique Nature motus, nutritio, accretio, generatio, quidni & crises, & materię morbificę πεπαιγμός? Nonne denique omnium prorsus ani- malium morbos comitantur indicationes, quibus incognitis ars nemini pro- desse potest. Solus enim ὁ ἀριστὸς γνῶς, ἀριστὸς θεραπεύει. Absyrtus, clarus ille Medicus, cuius verba nuper faciebam, eadem chirurgia vti se fatetur in ho- minibus quàm in equis, venarum sectione, cauterijs, scarificationibus, apo- stematum apertione, membrorum abscissione & combustione, luxatarum partium repositione, fracturarum concinna constructione ac ligatura. Et quidem equos, canesque iisdem infestari morbis ac hominem docet Aristo- teles, l. 8. de hist. anim. quod a Plinio confirmatur, l. 8. c. 42. Eadem itaque ars, eadem medicina, idem scopus, idem finis, eadem instrumenta, ijdem morbi, eadem methodus, ijdē canones bestiis æquē ac hominibus conueniunt.

Vile esse obijcient delicatuli bestias tangere ipsique mederi: An non quo- tidie ipsas tangimus, & quod maius est, deglutimus? Mollioribus aut Py- tagoræ hos scrupulos permittamus, sua metempsychosi facetas fabulas fin- gentibus. Vilitatis arguendam esse scientiam nullam arbitramur, multomi- nus quæ arduæ indignationi summam vtilitatem, bestiarum scilicet conser- uationem, adiungit. Subiecti præcipui nobilitas artis essentiam non mutat, faberque nuncupatur qui in ferro, ære, aut auro laborat. Eadem est ars sculptoria, siue in luto siue in marmore se prodat, & eadem pictoria, quæ pretiosis coloribus in gemmis, aut quæ in ligno, vilique tela, carbone sese exprimit. Eadem architectonica quæ Deum templa, Regum turres, pau- peram tabernas, equorumque stabula ædificat. Sit itaque eadem ars medi- ca, chirurgicaque, quæ circa hominem & bestias sese exercet, cum horum sit sanitas eadem, ijdē morbi.

Quem deinde vt rej parum honestæ puderet equis mederi, a quibus ho- minum primarios nobilitari perspicimus κατὰ ἵππους ἱππῆς dictos, ab equo Equites, *dal cavallo Cauallieri*. Equos enim & præcipua esse belli adjumenta & pacis ornamenta nullus sanæ mentis inficias ibit. Io: Phil. Ingrassias Regis Catholici archiater, mulæ mederi non dedignatus est, cui sanguine prius misso, propinanda καθαρτικά exhibuit. Accipitri crus in venatione fractum manuum suarum operâ restituit, restituisseque gloriatur; Subridentes aulæ medi-

24

medicastro, ut ipse scribit summè deridens. Equis idem diætã, chirurgiam, pharmaciamque præscripsit, non ignarus illis olim erectas fuisse columnas, statuas, sepulchra, pyramides, exequias publicè ductas, conditasq; ciuitates. Quin & plerasque belluas non modò a Barbaris, verùm & ab Ægyptijs hominum religiosissimis ob vtilitatem cōsecratas fuisse tradit eloquentiæ magister Cicero, *de Diuin.* 21. Sagaciter rēpondisse ferunt Illustr. Professore nostrum Io: Fortem, nobili cuidam mulieri ipsum deprecanti post initum pro se consilium, quidpiam etiam catulæ suæ Meliteni præscribere: *Faciam, me-Castor*, inquit, *& hunc diem bestijs medendis concedamus.* Nullus fortassis nostrum est qui acri Bucephalo, aut Iul. Cæsaris equo *ἑρπύς* pedibus scilicet humanis, medicam opem negaret: Ego certè nobilibus illis atque *φιλονεικίαις* animalibus mederi magis gloriarer quàm tot nebulonibus, perfidis, scelestis, flagitiosis, quos aliquando video, specie quantumuis humana decoratis.

Liceat itaque Medico-Chirurgo absque vllò artis dedecore bestijs etiam mederi, *ἔρπύς* nil interest an *παρέρπύς*. Cùm enim illas propter hominem a Deo Opt. Max. creatas esse certum sit, hunc pudere non debet, seu ad ampliandam Creatoris maiestatem, seu ad propriam sui vtilitatem, iisdem quantum potest opitulari. DIXI.

Proxima die, fracturarum doctrinam interpretabimur.

005644166